

आकाशवाणी

खबरां---

1. लोकसभा चुनां दे चौथे गेड़ लेई कल मतदान होग।
2. उत्तर प्रदेश च कल आजादाना ते पारदर्शी तरीके नै चुनां कराने गितै चुनां सरबन्धी अमले गी अपनी-अपनी तैयशुदा थारें पर भेजी दित्ता गेआ ऐ।
3. भारतीय जनता पार्टी दे वरिष्ठ नेता ते प्रधानमंत्री नरेंद्र मोदी होरें आखेआ जे उंदी सरकार धर्म दे आधार पर आरक्षण नेई देग।
4. दक्खन गाजा च इजराइल हमले गी होर तेज करोग, रफाह गी खाली कराने गितै ताजा तरीन आदेश जारी।
5. अज्ज मातृ दिवस समूलचे विश्व च मनाया जा'रदा ऐ।

<><><><><><>

LS-4th Phase

कल लोकसभा चुनां दे चौथे गेड़ लेई कल मतदान होग। मतदान 9 राज्यें ते इक्कले केंद्र शासित प्रदेश दिएं 96 लोकसभा सीटें च कराया

जाग। इस गेड़ च आंध्र प्रदेश दिएं 25एं सीटें, तेलंगाना दिएं 17 सीटें, उत्तर प्रदेश दिएं 13 सीटें, महाराष्ट्र दिएं 11 सीटें, मध्य प्रदेश ते पच्छिम बंगाल दिएं 8-8 सीटें, बिहार दिएं 5 सीटें, झारखंड ते ओडिशा दिएं 4-4 सीटें ते कन्नै गै केंद्र शासित प्रदेश जम्मू-कश्मीर दी इक्कली सीट उप्पर मतदान होग। लोकसभा दे चौथे गेड़ लेई कुल कोई 1 जहार 717 मेदवारें दी चुनावी मिस्मत दा फैसला होग। मतदान बड्डलै 7 बजे थमां संझा 6 बजे तोड़ी होग।

<><><><><><>

Day Up Poll Camp

उत्तर प्रदेश च चुनां अमले गी कल उत्थे आजादना ते पारदर्शी ढंग्गे नै चुनां कराने गितै अपने-अपने तैयशुदा थारें उप्पर भेजी दिता गोआ ऐ। बक्ख-बक्ख सियासी पार्टियें दे वरिष्ठ नेता ते स्टार प्रचारक राज्य चुनां प्रचार करा रदियां न। भारती जनता पार्टी दे वरिष्ठ नेता ते केंद्री गृह मंत्री अमित शाह होरें अज्ज वाराणसी च पार्टी दे मीडिया सेंटर दा उद्घाटन कीता। उनें पार्टी दे वरिष्ठ नेता ते प्रधानमंत्री नरेंद्र मोदी हुंदे आस्सेआ कल वाराणसी च होने आहले रोड शो दी त्यारियें दा बी जायजा लैता। मगरा श्री अमित शाह होरें कुशांमी हल्के च इक्क सियासी रैली गी संबोधित कीता ते आखेआ जे प्रधानमंत्री नरेंद्र मोदी

होरें आतंकवा वाद ते नक्सलवाद गी खत्म कीता ते मुल्खै दे बन्ने गी मता सुरक्षित बनाया। ओह राय बरेली ते गौंडा हल्के च बी चुनां प्रचार करडन। भारतीय जनता पार्टी दे वरिष्ठ नेता ते उत्तर प्रदेश दे मुखमंत्रि योगी आदित्यनाथ होरें मोहन लाल गंज हल्के च संबोधित कीता। ओह बैहराइच ते अमेठी हल्के च बी चुनां प्रचार करडन। कांग्रेस जनरल सीट प्रियंका गांधी वाड़ा होरें अज्ज राय बरेली हल्के दे हरचंद पुर इलाके थमां अपना प्रचार शुरू कीता।

<><><><><><><>

WB-PM Public Meeting

भारतीय जनता पार्टी दे वरिष्ठ नेता ते प्रधानमंत्री नरेंद्र मोदी होरें आखेआ जे सरकार धर्म दे आधार उप्पर आरक्षण नेई देग। बाराकपूर च पार्टी मेदवार दे हक्के च इक रैली गी संबोधित करदे होई श्री मोदी होरें आखेआ जे कांग्रेस जनजातीय, पट्टीदर्ज ते ओबीसी लेई आरक्षण गी खत्म करने ते धर्म दे आधार पर आरक्षण देने दा विचार करा रदी ऐ। त्रिणमुल कांग्रेस दी नुख्ताचीनी करदे होई श्री मोदी होरें आखेआ जे इक समें उप्पर बाराकपूर इलाका कपास, कागज, जूट ते इंजीनियरिंग कन्नै ते उद्योगिक इलाकें दा

गढ़ हा, मगरा हुन ज्यादातर मिल्लां बंद न ते मिल च कम्म करने आहले कर्मी ते उंदे परौआर बड़े गै खराब हालाता च जीन जिया रदे न ते त्रिणमुल कांग्रेस गी इस गितै कोई फर्क नेई पवा रदा ऐ। उनें आखेआ जे जूट सरबंधी करसानें दी मदद गितै भारतीय जनता पार्टी सरकार नै खंड ते दालें गी बंद करने गितै जूट बैग च गै इनेंगी बंद करना लाजमी बनाई दिता ऐ।

<><><><><><>

Israel-Gaza

दक्खनी गाजा च अपने हमलें गी बदाने दे मकसद कन्नै इजरायली सेना नै रफा शैहरै गी खाली करने दे नमें हुक्म जारी कीते न। एह हुक्म मध्य राफा ते होरनें इलाकें पर बी लागू होंगन। तोआई अंतरराष्ट्र बिरादरी नै इनें हुकमें पर सख्त प्रतिक्रिया दिती ऐ। इजरायली सेना ने आखेआ ऐ जे अजें तगर तकरीबन 3 लक्ख लोक पलायन करी चुके दे न। फिलीस्तीन लेई संयुक्त राष्ट्र राष्ट्रीय शरणार्थी एजेंसी दे मुख नै इस गें दी सख्त निंदा कीती ऐ। उनें गलाया जे अज्ज गाजा च कोई बी सुरक्षित थाहर नेई ऐ।

<><><><><><>

Indonesia-Afganisthan

भारी बरखें करी इंडोनेशिया दे पच्छिम सोमात्रा च आई दी हाड़ ते ल्हास-पस्सियां पौने करी घट्टोघट्ट 28 लोकें दी मौत होई गई ऐ ते 4 जनं अजें बी लापता न। एहदे बारे अज्ज प्रशासन नै जानकारी दिती। राश्ट्रीय आपदा प्रबंधन एजेंसी नै इक बयान च आखेआ जे शनिवार रातीं थमां गै हाड़ करी तनाह डोटार रेजेंसी च मिट्टी आई गई जेदे करी 5 उपजिला प्रभावित होई गए न। एजेंसी नै आखेआ जे ताजातरीन आंकलन च दिक्खेआ जा रदा ऐ जे कोई 84 घरें-कोठें ते 16 पुलें गी इस कुदरती कुरौपी च नुकसान पुज्जा ऐ ते शिड़कें गी साफ करने गितै भारी उपकरणों दा इस्तेमाल कीता गेआ ऐ। अफगानिस्तान च हाड़ें करी बक्ख-बक्ख प्रांतें च कोई 315 लोक मारे गे न ते 1600 कोलां मते लोक जख्मीं होई गए न जिस करी उत्थे आपातकाल घोषित कीता गेआ ऐ।

<><><><><><><>

Add-PM-Interview

इक अखबार गी दिते गेदे साक्षात्कार च प्रधानमंत्री नरेंद्र मोदी होरें आखेआ ऐ जे सरकार नै गरीबें गी सशक्त करने गितै उंदियें बुनियादी जरूरतें गी पूरा करने ताई दोहरा मिशन शुरू कीता ऐ तां जे जरूरी

संशोधनें राएं मुल्खै दी अर्थ बवस्था गी फही सशक्त कीता जाई सकै।
उनें आखेआ जे मुल्खै दा महत्व कोविड दे समें उप्पर उभरिये सामने
आया। श्री मोदी हौरें आखेआ जे इस चुनां च पूर्ण बहुमत हासल होने
परेंत उंदी सरकार विकसित भारत दे लक्ष्य गी हासल करने गितै
प्रयास करोग। उनें आखेआ जे भारतीय जनता पार्टी नै पैहलें गै अगले
5 बरें दी योजना ते कार्य योजना बनाई लैती ऐ। उनें आखेआ जे उंदी
सरकार 2047 लेई 24 घेंटे कम्म करोग ते अपना हर इक पल मुल्खै
दे लोकें दी आसें-मेदे गी पूरा करने बक्खी लाग।

<><><><><><>

Mother's Day

मातृ दिवस यानि मदर्स डे अज्ज समूलचे विश्व च मनाया जा रदा ऐ।
एह ध्याड़ा हर बरे मई दे दुए ऐतवार गी मनाया जंदा ऐ। इस ध्याड़े
दी खास महत्ता ऐ की जे इस राहें उंदे अस्तित्व उनेंगी मान देन ते
उंदे आस्सेआ कीते दे कठन परिश्रम ते होरेनें चीजे लेई उंदा आभार
प्रगट कीता जंदा ऐ। मातृ दिवस 1908 च पैहली बारी उस्सलै मनाया
गेआ हा जिसलै अन्ना जारविस हौरें अपनी माता दे चेतें च अमरीका
दे Grafton च St. Andrew Methodist Church च यादगारी रक्खी
ही।दूर

